

鸡西《常随佛学》倡印

非卖品

大集地藏十輪經  
地藏菩薩本願經  
占察善惡業報經

仁德題



赠阅结缘

大集地藏十輪經  
地藏菩薩本願經  
占察善惡業報經

仁德題



目 录

地藏菩萨本愿经

地藏菩萨本愿经原序

觉林菩萨偈

地藏菩萨本愿经卷上

忉利天宫神通品第一

分身集会品第二

观众生业缘品第三

阎浮众生业感品第四

地藏菩萨本愿经卷中

33

22

18

14

5

5

2

1

地狱名号品第五

33

如来讚叹品第六

37

利益存亡品第七

45

阎罗王众讚叹品第八

49

称佛名号品第九

57

地藏菩萨本願经卷下

62

较量布施功德缘品第十

62

地神護法品第十一

66

见闻利益品第十二

69

嘱累人天品第十三

81

重刻地藏经跋语

87

讚礼地藏菩萨忏愿仪

88

後序

103

大乘大集地藏十轮经

大乘大集地藏十轮经序

105

卷第一 序品第一

109

卷第二 十轮品第二

152

卷第三 无依行品第三之一

192

卷第四 无依行品第三之二

220

卷第五 无依行品第三之三

255

有依行品第四之一

274

卷第六

有依行品第四之二

291

卷第七

有依行品第四之三

323

忏悔品第五

331

卷第八

善业道品第六之一

357

卷第九

善业道品第六之二

386

福田相品第七之一

398

卷第十

福田相品第七之二

418

获益嘱累品第八

443

百千颂大集经地藏菩萨请问法身赞

448

占察善恶业报经

占察善恶业报经卷上

占察善恶业报经卷下

附：佛说延命地藏菩萨经

佛说地藏菩萨陀罗尼经

地藏菩萨十斋日

573 539 524 499 467

hé  
覈

shū sù      zhǒng  
菽粟      冢

# 地藏菩薩本願經原序

地藏經·譯於唐實叉難陀。而時本譯人。為法燈·法炬。不著  
世代。不載里族。於藏无所考。虽小异大同。理固无伤。而覈  
实传信·必应有据。乃比丘性安者。承先志刻唐译易之。其详  
具如冢宰陆公序矣。或谓是经。谆谆乎众生因果·地狱名相。  
无復玄论。不足新世耳目。奚用是订正为。噫。布帛菽粟·  
平时不如明珠。饥年则为至宝。救末法之饥年。是经其可少耶。  
若夫众生度尽·方证菩提。地狱未空·誓不成佛。探玄上士。  
试终身味之。

沙门祿宏笔记



香讚

炉香乍爇。法界蒙熏。诸佛海会悉遥闻。随处结祥雲。诚意方殷。诸佛现全身。

南无香雲盖菩薩摩訶萨 三称

覺林菩薩偈

华严第四会。夜摩天宮。无量菩薩来集。说偈讚佛。尔时覺林菩薩。承佛威力徧观十方。而说颂言。

譬如工画师。分布诸彩色。虚妄取异相。大种无差别。大种中无色。色中无大种。亦不离大种。而有色可得。心中无彩画。彩画中无心。然不离於心。有彩画可得。彼心恒不住。无量难

思议。示现一切色。各各不相知。譬如工画师。不能知自心。而由心故画。诸法性如是。心如工画师。能画诸世间。五蕴悉从生。无法而不造。如心佛亦尔。如佛众生然。应知佛与心。体性皆无尽。若人知心行。普造诸世间。是人则见佛。了佛真实性。心不住於身。身亦不住心。而能作佛事。自在未曾有。若人欲了知。三世一切佛。应观法界性。一切唯心造。

昔有人云一偈之功。能破地狱。何况此全

一章偈耶。願思此言。勉共传诵。

南无地藏王菩萨三称

讚

稽首本然淨心地 无尽佛藏大慈尊

南方世界湧香雲 香雨花雲及花雨

宝雨宝雲无数种 为祥为瑞徧莊严

天人问佛是何因 佛言地藏菩薩至

三世如来同讚叹 十方菩薩共归依

我今宿植善因缘 称扬地藏真功德

慈因积善。誓救众生。手中金锡。振开地狱之门。掌上明珠。光  
摄大千世界。智慧音裏。吉祥雲中。为阎浮提苦众生。作大证明  
功德主。大悲大願。大圣大慈。本尊地藏菩薩摩訶薩。

tián  
闍

dāo  
叨

zhuó  
浊

qiān  
遣

# 地藏菩萨本願经卷上

唐于闐国三藏沙门实叉难陀译

## 忉利天宫神通品第一

如是我闻。一时佛在忉利天。为母说法。尔时十方无量世界。不可说不可说一切诸佛。及大菩萨摩訶萨。皆来集会。讚叹释迦牟尼佛。能於五浊恶世。现不可思议大智慧神通之力。调伏刚强众生。知苦乐法。各遣侍者。问讯世尊。是时如来含笑。放种种大光明雲。所谓大圓滿光明雲。大慈悲光明雲。大智慧光明雲。大般若光明雲。大三昧光明雲。大吉祥光明雲。大福德光明雲。大功德光明雲。大归依光明雲。大讚叹光明雲。放如是等。

tán  
檀

chàn  
鼻

hǒu  
吼

fàn yàn dǒu  
梵 焰 兜

xī  
醯

不可说光明雲已。又出种种微妙之音。所谓檀波罗蜜音。尸波  
罗蜜音。鼻提波罗蜜音。毗离耶波罗蜜音。禅波罗蜜音。般若波  
罗蜜音。慈悲音。喜捨音。解脱音。无漏音。智慧音。大智慧音。  
师子吼音。大师子吼音。雲雷音。大雲雷音。出如是等。不可说  
不可说音已。娑婆世界。及他方国土。有无量亿天龙鬼神。亦集  
切利天宫。所谓四天王天。切利天。焰摩天。兜率天。化乐天。他  
化天。梵身天。梵辅天。梵众天。大梵天。光天。少光天。无量光  
天。光音天。淨天。少淨天。无量淨天。徧淨天。严饰天。无量严  
饰天。严饰果实天。无想天。无烦天。无热天。善见天。大善见  
天。色究竟天。摩醯首罗天。乃至非想非非想天。一切天众。龙

众。鬼神等众。悉来集会。復有他方国土。及娑婆世界。海神。江神。河神。树神。山神。地神。川泽神。苗稼神。昼神。夜神。空神。天神。饮食神。草木神。如是等神。皆来集会。復有他方国土。及娑婆世界。诸大鬼王。所谓恶目鬼王。噉血鬼王。噉精气鬼王。噉胎卵鬼王。行病鬼王。撮毒鬼王。慈心鬼王。福利鬼王。大爱敬鬼王。如是等鬼王。皆来集会。尔时释迦牟尼佛。告文殊师利法王子菩萨摩訶萨。汝观是一切诸佛菩萨。及天龙鬼神。此世界。他世界。此国土。他国土。如是今来集会。切利天者。汝知数不。文殊师利白佛言。世尊。若以我之神力。千劫测度。不能得知。佛告文殊师利。吾以佛眼观故。犹不尽数。此皆地藏菩萨。久远

礙

劫來已度。當度。未度。已成就。當成就。未成就。文殊師利白佛言。世尊。我已過去久修善根。証無碍智。聞佛所言。即當信受。小果聲聞。天龙八部。及未來世諸眾生等。虽聞如來誠實之語。必怀疑惑。設使頂受。未免興謗。惟願世尊。廣說地藏菩薩摩訶薩。因地作何行。立何願。而能成就不思议事。佛告文殊師利。譬如三千大千世界。所有草木丛林。稻麻竹苇。山石微尘一物一数。作一恒河一恒河满沙。一沙一界。一界之内一尘一劫一劫之内。所积尘数。尽充为劫。地藏菩薩。証十地果位以来。千倍多於是数。何况地藏菩薩。在声闻辟支佛地。文殊師利。此菩薩威神誓願。不可思议。若未来世。有善男子。善女人。闻

是菩薩名字。或讚嘆。或瞻禮。或稱名。或供養。乃至彩画刻鏤。塑漆形像。是人。當得百返生於三十三天。永不墮惡道。文殊師利。地藏菩薩摩訶薩。於過去久遠。不可說不可說劫前。身為大長者子。時世有佛。号曰師子奮迅。具足万行如來。时长者子。見佛相好。千福莊嚴。因問彼佛。作何行願。而得此相。時師子奮迅。具足万行如來。告長者子言。欲証此身。當須久遠。度脫一切受苦眾生。文殊師利。时长者子。因發願言。我今盡未來際。不可計劫。為是罪苦六道眾生。廣設方便。盡令解脫。而我自己。方成佛道。以是於彼佛前。立斯大願。于今百千万亿那由他。不可說劫。尚為菩薩。又於過去不可思議阿僧祇劫。時世有



qīn 欽

yòu 诱

hún 魂

suí 遂

qī 泣

佛。号觉华定自在王如来。彼佛寿命。四百千万亿阿僧祇劫。像法之中。有一婆罗门女。宿福深厚。众所钦敬。行住坐卧。诸天卫护。其母信邪。常轻三宝。是时圣女。广设方便。劝诱其母。令生正见。而此女母。未全生信。不久命终。魂神堕在无间地狱。时婆罗门女。知母在世。不信因果。计当随业。必生恶趣。遂卖家宅。广求香花。及诸供具。於佛塔寺。大兴供养。见觉华定自在王如来形像。在一寺中。塑画威容。端严毕备。时婆罗门女。瞻礼尊容。倍生敬仰。私自念言。佛名大觉。具一切智。若在世时。我母死後。倘来问佛。必知处所。垂泣良久。瞻恋如来。忽闻空中声曰。泣者圣女。勿至悲哀。我今示汝母之去处。婆罗门